

Lungzswng:

“Ngaizbakranz” Moix Bi Banh Mbat Dem Angqyangz

龙胜：乐享一年一度“百家宴”

7 nyied 27 hauh, Lungzswng Gak Cuz Swciyen Lozgyangh Yangh Dilingz Cunh banh “ngaiz-bakranz” minzsuz vwnzva hozdung moix bi gvaq mbat haenx, beixnuengx Duncuz dangdieg yiedcingz gyaezhek haenx iucingj beksingq mbanj henzyawj, daeuj doxcomz ciengq Godung、boq aenvenz、diuq fouxdohyeh, comz gwn ngaiz-bakranz、dox gingq laeujlienzzim、caez gangj doxgiet baenzfouq saedceij ndei neix, gij vwnzva hozdung gig miz daegsaek minzcuz haenx yinx ndaej le bouxhek ndaw gih rog gih ca mbouj geijlai fanh boux vunz daeuj daejniemh youzcet.

(Vuz Swnghbinh/吴生斌 Mungz Cwngcangz/蒙政嫦 Lij Hungz/李红)



▲Geij dahsau neix caen lengi.



▲Caezgya itheij daeuj gwn ngaizbakranz.



▲Vunzmbanj cingq biujyienj cezmuз hawj bouxhek yawj.

Sanhgyangh: Mbanjungzhoj Baengh Daegsaek Baenz Mbanjljyouz

三江：贫困村依托特色成旅游村

7 nyied 30 hauh, youq gyaеuj giuzndojfwnz Cwngzyangz Liujcouh Si Sanhgyangh Duncuz Swciyen Linzhih Cin Mbanjbingznganz, vunzlai daenj buhvaq moqsag gyaеuget angqcoux bouxhek daeuj daengz.

Bineix, aen yienh neix aеu Mbanj-gauhsiu、Mbanjgauhyouj、Mbanjbingznganz、Mbanjgauhding daengj 9 aen mbanjungzhoj gig miz daegsaek Duncuz haenx liedhaеuj lijyouz bangrex mbanjguhyienh, doenggvaq doengjit gveihva、gaijhnj ranzyouq beksingq、hnjguh diegdingzei lijyouz daengj giekdaeј sezsih, aеu doenghgij mbanj neix dajcaux baenz dieg lajmbanj lijyouz gyaеundeі, hawj vunzlai caеzyienгij gij “hoengzleih” lijyouz ginghei, hawj cingcinj bangrex guh noix ndaej lai. Bineix buenq bi gonq, aen yienh neix saedyienh lijyouz hwnghat cungbyoengq moq; daengx yienh lijyouz vunzsoq daengz 392.75 fanh vunzbaez, lijyouz gwnzbiengz cungjsouhaеuj 23.51 ik maenz, doengzbeij demhwnj 68% caeuq 56%.

(Vuz Lenyin/吴练勋)

Ginhsiu: Guh Hozdung Gvansim Lwgnyez Louz Mbanj

金秀：开展活动关爱留守儿童

7 nyied 25 hauh, Ginhsiu Yen Donzvej、Fulenz cujciz doihfugsaeu bouxgagnyienh daih-hagseng cuengqgyaj dauq ranz haenx, bae daengz Ginhsiu Cin Hozbingz Cunh Youwzyenz haiguh “gyajgeiz saekyiengh lai angqyangz majhung” gvansim lwgnyez louz mbanj gagnyienh fugsaeu hozdung, soengq angqyangz caeuq singriu bae hawj 40 boux lwgnyez louz mbanj.

Hozdung seiz, bouxgagnyienh caeuq gyoengq lwgnyez itheij ciengqgo、vehveh、guh-caemz, gyoengq bouxgagnyienh caeuq lwgnyez gietroengz le cingzgeih naekna, hawj doenghgij lwgnyez louz mbanj neix roxnyinh daengz gij gvansim gwnzbiengz doiq gyoengqde haenx.

Ciuq cam rox, vih fungfouq saedceij gyajgeiz lwgnyez louz mbanj, gaijgez gij youheiq bohranz ok rog guhhong haenx, aen yienh neix gaenxmaenx lienzhaeh, dap hwnj bingzdaiz, baengh daih-hagseng gyajgeiz gwnzbiengz saedguh hozdung, vih lwgnyez louz mbanj son’gyauq gohyoz vwnzva cihsiz, soengq gvansim、bangcoh caeuq raeuj bae hawj gyoengq lwgnyez louz mbanj.

(Banz Siengzcangh/盘祥章 Liengz Lingzfung/梁玲凤)



▲Bouxgagnyienh son lwgnyez vehveh.

Denzdungh Banh Vwnzyi Hozdung Hoh Makgaivaiz Fungsou

田东举办文艺活动贺芒果丰收



▲Langhбай makgaivaiz.

minzsuz hozdung mbanj makgaivaiz daengj hanghmoeg. Vanjvei doenggvaq gofoux、siujbinj、vaiqbanj daengj hingzsiк, yinx ndaej haujlai bouxhek daeuj yawjngonz daejniemh.

(Genz Siujyinh/权晓莺)

Bi 2016 Baksaeк • Denzdungh ndwen hozdung vwnzva makgaivaiz 7 nyied 1 daengz 31 hauh youq Denzdungh Yen banh. Daj bi 1996 hainduј banh gaiq daih’ it ciet makgaivaiz, aen yienh neix gaenq banh le cib gaiq ciet vwnzva makgaivaiz(ndwen hozdung), de baenz gaiq baizgim fatyiengz vwnzva makgaivaiz、langhбайj gij yinxdaeuz Denzdungh、daeъswng gij mingzdaeuz caeuq yingyangliz makgaivaiz binjbaiz、coicaenb bouxguhnaz demsou、doidoengh lajmbanj ginghei hwnghat he. Bineix vwnzyi hozdung baugvat cawjdaeъ vwnzyi vanjvei、makgaivaiz doxdax “doj hom”、